

«Հայաստանի Հանրապետության կառավարության 2024 թվականի հունվարի 11-ի N 57-L որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

----- 2025 թվականի N - L

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2024 ԹՎԱԿԱՆԻ ՀՈՒՆՎԱՐԻ 11-Ի N 57-L ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Համաձայն «Նորմատիվ իրավական ակտերի մասին» օրենքի 34-րդ հոդվածի և 37-րդ հոդվածի 1-ին մասի՝ Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2024 թվականի հունվարի 11-ի «2023 թվականին Լեռնային Ղարաբաղից բռնի տեղահանված անձանց համար կարճաժամկետ ուսուցման դասընթացի կազմակերպման և աշխատանքային փորձ ձեռք բերելու համար աջակցության տրամադրման ծրագիրը հաստատելու մասին» N 57-L որոշման (այսուհետ՝ որոշում) մեջ կատարել հետևյալ փոփոխությունները և լրացումները.

1) որոշման հավելվածի 2-րդ կետում «մեկ» բառը փոխարինել «երեք» բառով և կետը լրացնել նոր նախադասությամբ հետևյալ բովանդակությամբ.

«Անձը յուրաքանչյուր հաջորդ անգամ կարող է ընդգրկվել ծրագրում՝ ծրագրի ավարտից առնվազն մեկ տարի հետո:».

2) որոշման հավելվածի 8-րդ կետն ուժը կորցրած ճանաչել.

3) որոշման հավելվածի 11-րդ և 33-րդ կետերում «վեց» բառը փոխարինել «հինգ» բառով.

4) որոշման հավելվածի 12-րդ կետի 1-ին ենթակետից հանել «յուրաքանչյուր ամսվա համար առավելագույնը 50000 դրամի չափով» բառերը.

5) որոշման հավելվածը լրացնել նոր՝ 12.1-ին կետով հետևյալ բովանդակությամբ.

«12.1. Ուսուցման դասընթացի համար ուսման վարձի փոխհատուցման ընդհանուր գումարի չափը չի կարող գերազանցել 300000 դրամը:».

6) որոշման հավելվածի 22-րդ կետում, 31-րդ կետի 2-րդ ենթակետում և 36-րդ կետի 2-րդ ենթակետում «չիրացված մասով» բառերից հետո լրացնել «կամ աշխատողների թվի և (կամ) հաստիքների կրճատման, գործատուի գործունեության դադարեցման հիմքով շահառուին աշխատանքից ազատելու դեպքում, նույն շահառուի համար կարող է կնքվել նոր պայմանագիր այլ գործատուի հետ՝ նախորդ պայմանագրով չիրացված ժամկետով» բառերով:

2. Սույն որոշումն ուժի մեջ է մտնում հրապարակմանը հաջորդող օրվանից: